

TEZAUUR LITURGIC
8 NOIEMBRIE

ACATISTUL
SF. ARHANGHEL
VARAHIIIL



MOSCOVA, 2000



Акафист святому архангелу Божию Варахиилу

Кондак 1

Избранный Всемилосердным Творцем Нашем от бесчисленных воинств бесплотных на служение благословения всех земнородных чад Отца Небеснаго, всечестный архангеле Божий Варахииле, воспеваемые тебе наши ныне песнословия милостиво приими и возжи в сердцах наших пламень любви ко Господу и ближним нашим, настави ны в делах благих, да с радостью любовью и надеждою величаем тя сице:

Радуйся, архангеле святой Варахииле, светоче любви и милосердия, благословение Божие нам приносящий!

Икос 1

Ангелов бесплотных собор неисчетный во славу Творцу миров непрестанно воспевает, с ними и же и ты, всехвальный архистратиже Варахииле, яко един от седми архангелов, иже молитвы верных Вседержателю возносят, предстоиши пред престолом Триипостаснаго Бога Нашего, и Его велие и досточудное милосердие, грешным и слабым чадом Его, приклоняеши к нам,

взывающим ти сице:

Радуйся, мир и радость о Господе нам
посылай;

Радуйся, уста наша на славословие Божие
отверзай;

Радуйся, ум наш в богомыслии утверждая;

Радуйся, от суеты и пагубы ны преславно
оберегая;

Радуйся, в час скорби пречудно ны
укрепляющий;

Радуйся, в годину радости благодарити Творца
подвизающий;

Радуйся, в радении о делах земных нам
помогающий;

Радуйся, к небесным селениям пути наши
направляющий;

Радуйся, архангеле святой Варахииле, светоче
любве и милосердия, благословение Божие наш
приносящий!

Кондак 2

Видя первыя дни рождения мира нашего, егда
Вседержитель Словом своим вся сущие сотвори,
из небытия к бытию хоры светил небесных,
океаны, животных разнообразных и первых
людей созда, купно со всем ангельским ликом
воспел еси Господеви: Аллилуйа!

Икос 2

Разумея, яко благ и добр Господь и Зиждитель наш, утвердил еси в любви и послушанию Ему, всехвальный Варахииле, и купно со архистратигом Михаилом восстал еси супротив прегордаго денницы и низверг еси его в сени тартара преисподняго. Сице молим тя: и нас, слабых естеством нашим и ко греховным делам пристрастия имущих укрепи, в верности Богу и исполнении заповедей Его, да тебя, заступника нашего небеснаго, величаем сице:

Радуйся, ко зрению Промышления Божия очеса духовныя наша изошряющий;

Радуйся, от блуждания во мраке греховнем нас свободяющий;

Радуйся, слабую волю нашу во блазе истинном утверждающий;

Радуйся, соблазны и преткновения розумети ны научающий;

Радуйся, на путие богоугодныя ны направляющий;

Радуйся, от искушений и прельщений бесовстих вызволяющий;

Радуйся, сомнениями колеблемых в истине Христовых утверждающий;

Радуйся, во добродетели возростати присно ны научающий;

Радуйся, архангеле святой Варахииле, светоче

любве и милосердия, благословение Божие нам приносящий!

Кондак 3

Силою и действием благодати Божия в служении Троице Всесвятой утвердился еси, благомудрый Варахииле, ибо одинажды отверг еси искушение предерзкаго денницы; сиеце молим тя: укрепи и нас в верности Господу и заповедем Его, яко да с тобою вкупе сподобимся во веки воспевати Ему: Аллилуйа!

Икос 3

Имаши, преблагий Варахииле, на небесех радость, уму земнородных непостижимую, и наречием человеческим неизглаголанную, яко купно с верными ангелами в любви ко Господу и благому творению Его выну пребываеши, яко купно с ликом святых мужей и жен славословиши Отца нашего небеснаго, яко с сонмом праведников спасенных величаеши Троицу Всеблагую, но и нас, долу сущих не забываеши во всеблагопомощных молениях твоих. Сего ради мы с надеждою и любовию воспеваем ты сиеце:

Радуйся, с серафимы совокупно любовию ко Вседержателю пламенеющий;

Радуйся, со херувимы Премудрость Божию присно величающий;

Радуйся, со престолы и начала благосердие Его
к нам приклоняющий;
Радуйся, с господствы, силы и властью присно
торжествующий;
Радуйся, со ангелы и архангелы песнь славы
Христу воспевающий;
Радуйся, образ радости небесныя и нам
сокровенно отверзающий;
Радуйся, изнемогающия силы наша пречудно
обновляющий;
Радуйся, доверием и любовью к Богу сердца
наша наполняющий;
Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 4

Буря горестей и скорбей, волнений и сомнений
постиже всех потомков Евы и Адама послежде
грехопадения праотец наших, паче упование
наше на Творца всяческих возлагаем, яко не во
век на ны гневается, и милость свою кающимся
чадам Своим паки дарует, просим, святой
Варахииле, сподвигни ны покаянием, аки рекою
животворною, омыти наша язвы греховныя и с
благодарностию воспевати Вседержателю:
Аллилуйя!

Икос 4

Слышавши о чудесех и явлениях ангелов и архангелов святых, мы радости исполняемся и просим тя, всеславный архистражите Варахииле, настави ны в богомыслии, обереги ны от прельщений и заблуждений духовных, научи ны зрети на всех путех жития нашего милующую десницу Господню и приими возносимыя ти с радостию величания сия:
Радуйся, от созерцания лепоты земныя ум наш к горнему возводяй;
Радуйся, премудрость и милосердие Творца воспевати ны научаяй;
Радуйся, за вся Его благодарити ны научаяй;
Радуйся, от ропота и злословия уста наша отклоняй;
Радуйся, милосердною и жертвенною любовью ны преображающий;
Радуйся, миловати и скоты, и птицы научающий;
Радуйся, на сердечныя раны наша врачующий нектар изливающий;
Радуйся, обожженныя злобою мира души наша скоро исцеляющий;
Радуйся, архангеле святой Варахииле, светоче любви и милосердия, благословение Божие нам приносящий!

Кондак 5

Божественнаго милосердия свершися торжество, егда Сын Божий, муки смертныя на Кресте Голгофстем претерпевше, искупи весь род человеческий и смертью свою смерть вечную попрал, тогда убо радостию наполниша небеса и вси чины ангельские возликоваша купно с тобою, всехвальный Варахииле; сице молим тя: исполни души наша радостию и веселием похвальным, да Господеви Воскресшему воззовем: Аллилуйя!

Икос 5

Видевши с высоты горняго жилища своего чины ангельския Воскресшаго Господа Иисуса и в теле пречистем Своем вознесшегося к Отцу Своему, возликоваше зело, и с радостию Его сретеша. Сие убо ныне поминающе молим тя, лучезарный Варахииле, сподвигни ны паче всего земнаго Христа почитати и Ему прежде всего служить и искати Правды Царствия Его в земнем пути нашем, да тебе, нашему благому и премудрому наставнику воззовем сице :

Радуйся, от суеты сует и пристрастий нас исцеляяй;

Радуйся, храмы Спасителю в сокровенной глубине сердец воздвигати сподобляющий;

Радуйся, руке наша к творению дел благих направляющий;

Радуйся, заблуждших и неверным покаянием
обновлятися научаяй;
Радуйся, к вечному единению с Господем
премудро всех нас предуготовляяй;
Радуйся, стопы наша на путь праведников
поставляющий;
Радуйся, от пути гибельнаго грешников
изымающий;
Радуйся, в час кончины на помощь
призывающим предстательствующий;
Радуйся, по кончине нашей, с любовью души
наша в свое общение пред Богом приемлющий;
Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 6

Проповедуют величие и славу твою Церковь
Христова, о благий архистратиже Варахииле,
яко ты милосердием к ближнему, благоговением
пред Триипостасным Творцем нашим и
любовию ко творению Божию наполняеши
сердца и души всех христиан, чтущих тя и
подвизаеши ны неустанно и умиленно
Господеви взывати: Аллилуйя!

Икос 6

Воссиял еси лепотою неизреченная славы на
небесех, о богоносный Варахииле, сие и на

земли призывающим тя обильно благотвориши,
прехвальный архистратиже, яко в годину
скорбей и испытаний вспоможение пречудно
даруеши, яко в обстояниях безысходных исход
благоприятен устраеши, яко слезы печали с лиц
отираеши, яко искренним благодарением
Творцу, через заступничество твое и ангел твоих
нас милующему таковыя похвалы приносим ти:
Радуйся, из пропасти уныния на светлую гору
отраду приводящий;
Радуйся, души, печалию пораженныя, преславно
обновляяй;
Радуйся, глубинные недужи сердечныя
благодатно исцеляяй;
Радуйся, неугасимый огонь милосердия в душах
наших воспламеняющий;
Радуйся, палимыя зноем страстей души
прохлаждающий;
Радуйся, веру слабеющую непоколебимую быти
сотворение;
Радуйся, угасающей надежды пречудное
обновление;
Радуйся, любви исчезающей исцеляющее
преображение;
Радуйся, архангеле святой Варахииле, светоче
любви и милосердия, благословение Божие нам
приносящий!

Кондак 7

Хотяще Преплагий Иисус явити славу Пречистыя и Всенепорочныя Матери Своея, благоволи послати ангелы и архангелы Своея, дабы и силы небесныя прославили Успение Ея и вознесение на небо. Ты же, всехвальный Варахииле, воле Господней послушен сый, послужи Преплагословенной Деве Марии, купно с архистратиги Сыну Ея воспевая: Аллилуйя!

Икос 7

Дивному и пречудному промыслению Господню преславне послужил еси, благословенный архистратиже, егда в соборе архангел и с сонмом купно неисчетным ангел с радостию сретал еси Честнейшую Херувим и Славнейшую Серафим, егда со благоговением почал еси служити Боговенчанной Царице Небесней; сице просим тя, святой Варахииле, милость сердца Ея приклони и к нам, труждающимся и обременным, да тебе, богомудрому служителю Троицы Святыя, воззовем сице:
Радуйся, на молитву нашу ко Владычице вдохновение;
Радуйся, чтити святыя образа Богоматери вдохновение;
Радуйся, добродетелем Всенепорочныя Девы выну следовати ны сподвигаяй;
Радуйся, ко стяжанию лепоты духовныя ны

воодушевляяй;
Радуйся, чистоту телесную и целомудрие
хранити помогаяй;
Радуйся, духовные очеса наши к зрению мира
горняго отверзаяй;
Радуйся, милосердие Приснодевы и Царицы
ангелов к нам приклоняющий;
Радуйся, мрак скорбей светом радости и
утешения небеснаго побеждающий;
Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 8

Странником нам в сей юдоли земной благоволи
обрести отраду и утешения от треволнений и
суеты многообразная, о богоносный
архистратиже, и еще просим тя: благословения
от Всемилосерднаго Творца коемуждо на
потребу ниспошли нам, вопиющим ныне
Господеви: Аллилуйя!

Икос 8

Всем с любовью чтущим тя, святой архангеле,
выну покровительствуеши, паче же просьб
наших благотвориши нам, пречудне Варахииле,
яко сами прошения наша исполнением
предваряеши, яко обилием благ разнородных ны
насыщаеши, яко ближним и дальним нашим

милости небесные у Творца испрошаеши и
подвизаеши ны с надеждою и умилением
воспевати ти сице:

Радуйся, от пристрастия к земным богатствам
исцеление;

Радуйся, благому разумению вещей дольних и
горних научение;

Радуйся, бедным и обездоленным чудесное
вспомоществие даруяй;

Радуйся, власти предержащие и богатых к
милосердию и благотворению понуждаяй;

Радуйся, торгующих на путь доброделания
наставляй;

Радуйся, всем нам во обстояниех и заботех выну
помагаяй;

Радуйся, трудящихся во спасение дарами
небесными исполняющий;

Радуйся, благополучие и тихую радость выну
посылающий;

Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 9

Всякаго человека с верою и надеждою имя твое
призывающа, благословляеши и милуеши,
светозарный Варахииле, яко сами прошения
наша исполнением пречудно предваряеши; яко
паче просимаго даруеши и ниспосылаеши нам,

яко веру нашу прехвально обновляеши, яко сомнения из сердец исторгаеши, яко подвизаеши ныне в тихой радости тобою нам благодеещу Господеви с благодарностию сугубою воспевати: Аллилуйя!

Икос 9

Вития многовещанья, риторы доброгласныя и пииты, от Творца на благое таланты велия приявшия, языки своима человеческима николиже возмогут благохвалити тя, премилостивый покровителю наш и небесный наставниче, поелику на ангельском убо наречии подобает возносить тебе гимны, святой архистражите, и славословия; обаче мы еще на земли суще, человеческима усты с благодарностию, умилением, радостию и надеждою воспеваем ти сице;
Радуйся, восходи по лестнице добродетелей нам сподобствуй;
Радуйся, трезвением благоплоднем нас обогащай;
Радуйся, сберегати и укрепляти в себе блага духовныя наставляй;
Радуйся, быти носителями света Христова ны сподвигаяй;
Радуйся, от грехопадений наших, имже несть числа, избавляющий;
Радуйся, богомерзское теплохладие из сердец

наших исторгающий;
Радуйся, миром и любовью к добру души наша снабдевающий;
Радуйся, светом высшя Премудрости Божия несовершенныя умы наша озаряющий;
Радуйся, архангеле святыи Варахииле, светоче любви и милосердия, благословение Божие нам приносящий!

Кондак 10

Спасительною дорогою нам шествующим, вспоможение и укрепление благодатное ниспошли, всемилосердный архангеле, да тобою направляемы удалимся от путей широких соблазнов греховных, и ближним нашим вреда николиже причиним, и выну будем следовати заповедем Христовым и жителствовати в свете истины Божия; сердечною же хвалою величати тобою Милующего, Спасяющего и Просвещающего ны Всеблаго Господа, вопиюще: Аллилуйя!

Икос 10

Стеною молитв твоих богоугодных огради ны, о богоносный архистрастиже Варахииле, от мечтаний суетных, пристрастий бесполезных и иных прельщений души нашей, слепотою духовною и иныма недуги колеблемой и утверди ны в возрастании во премудрости богоугодной и

спасительней, да с надеждою воспеваем ти
сице:

Радуйся, от обольщения сокровищами земными
исцеление;

Радуйся, от ложных надежд и упований
благодатное избавление;

Радуйся, в постижении подлиннаго блага
укрепляя;

Радуйся, в обретении же онаго нам
способствуй;

Радуйся, блуждающие умы и мятущиеся сердца
преславно врачуй;

Радуйся, в Бозе токмо снискати отраду
научая;

Радуйся, к небесней правде взора духа нашего
обращая;

Радуйся, кроткому и тихому благодарению
наставляющий;

Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 11

Пение хвалебное и величальное возносим ти,
преславный и многомилостивый заступниче наш
Варахииле, и просим убо тя; сотвори молитвы
твоя о всех, иже нам, слабым, заповедаша
молитися за ня, на твоего предстательства ради
снизойдет на друзи и на ближния наша

благословение Господне, да с благодарностью и умилением соборне воспоим Вседержителеви: Аллилуйя!

Икос 11

Свет невечерний и незаходимый выну созерцаеши во Царствии Небеснем, светоносный архангеле Варахииле, и светом радости нетленные и вечныя премудрости светом озаряеши всех чтущих тя и призывающих имя твое святое, преблагий архистратиже; сице молим тя: преобрази и от суеты очисти помышления сердечныя наша, чувства же добрыя пробуди и вкорени в нас, страсти же душевные исторгни, да зовем ти сице: Радуйся, отраду земную и благополучие долнее обрести помогаяй; Радуйся, к Царствию Небесному путие наша направляяй; Радуйся, друзей добрых и помощников верных посылающий; Радуйся, понимание и дружбу выну укрепляющий; Радуйся, старыя боли и обиды благодатно исцеляющий; Радуйся, возрастати выну во блазе токмо сподобляющий; Радуйся, в постижении лепоты и сущности мира нашего ны укрепляй;

Радуйся, ко стяжанию благ нетленных ны
пречудно воодушевляй;
Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 12

Благодатию, исцеляющего раны сердец наших,
озари и наполни ны, богоносне Варахииле, яко
да тою движимы, хранимы и озаряемы,
возможем простити обиды неприятелем и
врагом нашим и по заповеди Христовей
возлюбити я, сомнений в блазем промышлении и
попечении Божием о нас отрешитися и с
доверием возносить Ему, еще на земли сущи
пение ангельское: Аллилуйя!

Икос 12

Воспевая смиренне предстательство и
покровительство твое и небесную славу,
богоносный Варахиил, благодарим тя великия
твоя любви к нам и многочисленных
благоденний твоих ради; ты бо в годину скорбей
и притеснений, в час, егда страсти и сомнения
колеблют ны, луч животворныя надежды
посылаеши и велию помощь сотвориши; сице
мы, паки славословим тя сице:
Радуйся, в пути и дорозе сущим прехвальное
вспоможение;

Радуйся, по воздуху плавающим доброе пути
завершение;
Радуйся, земныя долженствования честно
исполнять научающий;
Радуйся, мир в семьи наша чудесно
возвращающий;
Радуйся, старцем и старицем отраду и сил
укрепление посылающий;
Радуйся, от черствости и озлобления хладные
души врачуй;
Радуйся, благия мысли и чувства в недоумении
нам сущим внушающий;
Радуйся, святыя желания и намерения ко
спасению нашему в сердца нам влагающий;
Радуйся, архангеле святой Варахииле, светоче
любве и милосердия, благословение Божие нам
приносящий!

Кондак 13

О премилосердный заступниче наш, богоносный
архангеле Варахииле, прими сие малое моление
наше, с радостию, надеждою и любовью ти
возносимое, и сподоби ны, в многомятежном и
изменчивом мире сущим, сердца нашими к
истинней радости возноситься, укрепи нашу
веру, преумножи в нас вся благая и заботливо с
сохранити научи ны, да возможем с тобою
купно во блаженнем житии века грядущего
Господеви Всеблагому воспевати: Аллилуйя!